

明
詩
紀
事

明詩紀事

貴陽陳田輯

目錄

張九一十八首

九一字助甫新蔡人嘉靖癸丑進士授黃梅知縣擢吏部主事歷員外郎中遷南尚寶少卿謫廣平同知擢湖廣僉事進參議改陝西歷副使參政密雲兵備按察使改山西進布政使擢右僉都御史巡撫甯夏有綠波樓文集五卷詩集十四卷

藝苑卮言余自選家難時彙館之暇杜門塊處獨新蔡張助甫爲驗封郎旬一再至余固卻之張笑曰足下乃以一吏部榮我乎余歸張亦竟左遷以去自是吾黨有三甫肖甫之雄爽流暢助甫之奇秀超詒德

甫之精嚴穩稱皆吾所不及也
宗子相集助甫不肯作邊薛酒酣放筆頗自雄奇
大泌山房集助甫於七子中心服而不敢蓋立者惟
王元美一人餘姑舍是
詩藪中州李何一盛後浸微張中丞特起新蔡周旋
瑯琊歷下間其天才絕出如龍泉太阿鋒不可犯王
次公絕推重之謂出宗徐上
靜志居詩話金谷之筵不遺麥非瑤池之駿圖及盜
驪物之所以貴善用生也七子齊盟一時風氣雷同
助甫稍能用生政爾拔俗
田按助甫之得交元美以宗子相爲介紹子相與元
美書云上蔡張九一其人大奇昨讀我古劍二華篇
遂作數十奇語令人留目鄙人湖上雜言張君乃能
爲我和之奇覽爲渠作贊助甫能作奇語與子相略
同古體不及子相近體秀拔流逸乃復過之

送道士謝立珏之楚尋師

行矣將安適秋風此送君尋師依鬼谷採藥去人羣野飯山
山石春衣處處雲何時緱嶺上笙鶴一相聞

贈內甫

王猷乘逸興一夕棹山陰錦字經年淚朱絃絕代音疏星寒
漏永落葉下階深授簡稱枚叟翩翩肯陸沈

酌酒

一酌千愁盡悠悠土木身樓臺三峽月鼓角九江春山水私
詞客衣冠忌酒人長安鳴珮者半是霍家親

眺鑽天巖

鳥道攀躋入巖煙黯慘生高秋夔子國落日杜鵑聲樹杪繩
橋直雲間火井明昭君村在眼駐馬一含情

六盤

盡室苦行役中宵度六盤一峯穿漢險羣壑抱冰乾齒髮慚

白集卷三
推轂文章笑據鞍雲開天漸曙片月不勝寒

答歐楨伯

暮笳朝角助悲辛一綫中原虜四鄰魚海單車仍作使龍沙
三月不知春天涯貧病朋遊減鏡裏星霜鬢髮新獨有仙郎
能念我片鴻碣石往來頻

秋夜懷王晴江司理

司理于
鱗門人

大雅中原久絕傳羣公獨讓濟南先桓譚自出門人右庾亮
深知幕客賢白水黑河秋浩浩黃姑青女夜娟娟妨晚歲
催雙杵正復相思限一天

送劉大將軍自朔方移鎮甘肅

頻年款塞借前籌移鎮君恩覺更優馬上鐃歌吹漢月軍中

舞曲接涼州三城初罷防河戍五郡重迎定遠侯爲賦陽關
杯酒句霜風瀚海不勝秋

題鄭戶部思成招隱園

卜築名園碣石東去天尺五五雲通池流薊北桑乾水階擁
淮南桂樹叢谷口風煙邀結駟小山日月遲冥鴻金門大隱
稱仙吏漫向虛無賦八公

郡閣送見甫南歸

閣外千峯繞翠微閣中相送淚沾衣層城一葉迎秋下萬里
孤帆帶雨歸人渡黃河南雁共身留紫塞北書稀寒雲片片
堪攜去好向青山護薜薇

明卿渡江戲贈

樊口西來漢水斜錦帆千尺趁歸鴉還應明月逢捐佩謾倚
長風送去槎大別山連江北樹小回溪放故園花懸知少婦
矜顏色自理春衣學浣紗

秋日同吳約卿劉子真尋三遊洞

歸雲漠漠帶飛鴻一徑寒花夕照中嘯木玄猿行處答撲衣
山翠坐來空石爲樓閣開天上雨挾虹蜺挂澗東把酒莫教
西日墮吾將絕壁馭清風

虎邱留別錢叔寶黃滔甫周公瑕諸君同賦

諸天樓閣背城安木末江流夕照殘初霽嵐光深下榻早春
柳色滿憑欄酒邊高士三吳盡雪裏歸人一騎寒共說池中
雙劍在相思應向斗間看

自芙蓉洲登仰止岡

孤臺千尺枕清池十里芙蓉入鏡披
桐柏水寒生月早木陵關迴度鳩遲
感時謝病遊梁苑失路悲秋續楚詞
若向登高論作賦一時綵筆自君知

苔墻

高卧謝喧紛苔蘚青如積細雨啟柴扉
空墻散鳥蹟

漂母祠

風塵誰復解憐才一飯千金亦可哀
國士久隨飛鳥盡荒祠猶對野花開

少年行

俠氣翩翩冠五陵當筵結客酒如澗
平原日落霜風起獨跨

騁驅臂角鷹

留別陳思俞兼答送赴涼州之作

胡天不斷朔風來
白草蕭蕭盡角哀
一曲涼州歌未罷
黃雲飛上赫連臺

張佳胤

七首

佳胤字肖甫銅梁人嘉靖庚戌進士除滑縣知縣擢
戶部主事改兵部遷禮部郎中謫陳州同知遷蒲州
知府歷河南雲南僉事廣西參議大名兵備副使陝
西參政山西按察使超遷右僉都御史巡撫應天調
南陽臚卿就遷光祿卿進右副都御史巡撫保定改
陝西未赴改宣府召拜兵部侍郎尋兼僉都御史巡

撫浙江加右都御史拜兵部尚書尋兼右副都御史

總督薊遼保定加太子少保太子太保贈少保諡襄

敏有崑崙山房集六十五卷

翁州山人稿有甫詩境有所未至則務伸吾意以合境調有所未安則當屈吾才以就調故有甫之才恆有餘而意無所不盡

王奉常集太保崑崙公助名埒彭幸庵李康惠詞翰勝喬太宰王浚川

明詩統緒崑崙五七言古閣博縱肆凌駕前人明詩選陳卧子曰銅梁莊雅亦稱李王後勁朱軾文

日肖甫之於王李也調合矣象合矣然如王明之法華歆耳李舒章曰肖甫之才不弱于子相公實以其

有年更覺有成境

列朝詩集七子仕宦多不達助甫一開府輒贊元美

平進至六卿而肖甫鎮雄邊定大變入正樞席以功

名始終飾鎮之暇輕裘緩帶賓禮寒素鼓吹風雅文

士之坎壤失職者皆援以爲重高才貴仕兼而得之

近代之致其視助甫亦魯衛之政也

靜志居詩話自甫以功業顯其詩亦多慨惋奮厲之
氣與仰屋梁著書者不同人皆稱其近體不若五古
較勝十籌
田按嵎峽入後五子詩品在助甫之次

三石篇

大溟以西三巨石錯列荆榛對孤驛文彩天開海嶽圖面面
晶光盈千尺吁嗟此石生點蒼云誰置之古路傍停車顧盼
日將晏僕夫語罷泣數行往年天子新明堂厥材萬國爭梯
航燕山之石白勝玉何求此物勞要荒守臣當日功名亟檄
書夜飛人屏息程途初不計山谿男婦微傭無漢楚鞭石難
驅渤海神鑿山誰是金牛力那許終朝尺寸移積屍道上紛
如織中興令主堯舜姿一羣聖德超茅茨皇上曾有一天門
萬里竟不知幾使黔南無子遺君不見旅葬古訓老臣策枸

醫雖甘亦何益三石硤呀風雨深千載行人增歎息

田按吾鄉普安蔣公宗魯巡撫雲南有奏罷石屏疏
云准工部咨照依御用監題奉欽依事理依式照數
採取大理石五十塊見方七尺五塊案行金滄道分委大
理衛太和縣督匠採取據耆民段嘉璵等告稱嘉靖
十八九年曾奉勘合取大屏石崖險難尋壓傷人眾
及至大路行未百里大半損缺眾復採補沿途見方
所解石塊二年外方得到至三十年取石六塊見方
三尺五寸自本年六月至十一月始運至普棚小孤
山止有三百餘里以半年行三百里未免有違欽限
徒勞無功臣奉命以來催督有司親宿山場遵式取
進匠作耆民俱稱採石處所山洞壅塞崖壁懸陡三
四尺者設法可獲其五六尺者體質高厚勢難採運
且道路距京萬有餘里峻嶺陡箐石磴穿雲盤旋崎
嶇百步九折墮擡則石高而人低橫擡則路窄而石
大雖有良策委無所施今大理抵省僅十三程尙不
能運至何由得達於京師官民憂惶計無所出議將
採獲三尺四尺者先行進用五尺者一面設法採取
六七尺者或准停免以蘇民艱宗魯莅滇有惠政因
錄三石篇附著於此

鳥蠻灘

鳥蠻灘前石齒齒盤渦轉地驚濤起險絕空傳澁瀕堆估客
帆檣愁欲死萬里江源異域來右出夜郎左交趾青天赤日
雲四垂跼跼飛鸞墮深水我本西梁遠道人瘴鄉奔走胡爲
爾停舟一奠伏波祠丹荔黃蕉前致詞英雄心事無今古神
物風雲各有時銅柱功名儼難就澤車款段隨所之

席上聽何振卿談大理山水

衣裾蒼洱色得意總看君蠟屐西南盡天雞日夜聞樽前流
海氣舌上起峯雲擬共逃名去翩翩入紫氛

界嶺北望

北望成甌脫霜空一嶺橫野煙胡騎獵寒柝戍樓聲峯刺高

天近雲量巨谷平微茫山盡處當日大甯城

張掖使院中懷吳高州明卿

居延客舍虜塵間南去冥鴻不可攀
海上有人生白髮郡中無事對青山
積薪世態休相問隨牒功名且未還
落日思君俱異域何年得望玉門關

登會甯原上作

黯淡山城古會州胡天雙目盡高邱
春深柳色猶霜雪日落邊聲起戍樓
塞雁唳雲皆北向濁河歸漢亦東流
乘槎豈是窮源使投筆虛疑定遠侯

詩綜誤作
助甫詩

題徐生卧雲卷

丹邱曾醉九霞觴亦有仙人白玉床
雲卧看君如可託爲余

先挂赤城梁

汪道昆 一首

道昆字伯玉歙人除義烏知縣歷襄陽知府福建副

使按察使擢右僉都御史巡撫福建改鄖陽進右副

都御史巡撫湖廣召拜兵部侍郎有太函集一百二

十卷

馮元成選集弇州太函互相推奉退則互相詆訐弇州之論太函曰無神情也曰短於用長也曰如戲論如童叟也太函之語弇州曰古不如我我也整不如我也余皆聞其說及見徐宗伯之語曰弇州因汪以導江陵太函因王以引太原故借文字以託相知益以奇玩寶器而中實榛刺豈所謂交淡如水者乎野獲篇王李七子起時汪太函雖與弇州同年尚未得與其列太函後以江陵公心齊驥賞其副壻行世暴得世名弇州力引之世遂稱元美伯玉而七子中僅存吳明卿余德甫俱出其下矣汪文刻意摹古僅

有合處至脾板紀事之文時援古語以證今事往往
扞格不暢其病大抵與歷下同余州晚年甚不服之
嘗云余心服江陵之口不敢言以世所曹惡也
予心排太函之文而論不當海內盛趨欲中時汪
此二屈事何是亦定論不肯附者目為夷狄之不
標榜至謂文人是強不附者目為夷狄之不
正朔至今日反唇弁州者日眾又何論太面
明詩選李舒章曰汪司馬詩如薪芻滿地英楚甚寡
列朝詩集萬曆初江陵為權相其太公七十稱壽朝
士爭為頌美之詞元美伯王皆江陵意以此得幸於江
文稱壽而伯王之文獨深常江陵意以此得幸於江
陵元美乃遷就其辭著於藝苑后言曰文煩而有法
者于鮮文簡而有法者伯王伯王之名從此起矣厥
後名位相常聲名相軌海內之山人詞客望走敗名
者不東之其水則西之欲中又或以官稱之曰兩司
馬元美亦心厭之而無以禁也伯王為古文初卿襲
空同槐野二家稍加琢磨名成之後肆意縱筆沓拖
淋漓而循聲者猶目之曰大家於詩本無所解沿襲
七子末流妄為大言欺世謁白嶽詩落句云聖主若
論封禪事老臣才力勝相如幾於病風狂易使人嘔
噁矣

田按伯王在閩頗立功名史僅及其文章亦憾事元

美稱伯玉文猶可說也胡元瑞詩數稱伯玉詩格訓
精嚴句律整峭新創鍛鍊之工幾於毫髮無憾評詩
如此何以信後又云新都德望位遇震曜一時下士
急才後生一善必獎掖陶銘當代知名之士靡不出
其門者余以通家子辱國士之遇此則其感恩之私
言不應評詩亦假借如是也

送吳孟嘉從督學方使君入蜀

都亭杯酒立逡巡何似雲安麴米春
負弩偏勞疆頂令攜琴
一問倦遊人霞開水郭桃千樹山吐蛾眉月半輪
寂寂浣花
谿上路風流百代到吳均

余曰德一首

曰德初名應舉字德甫南昌人嘉靖庚戌進士除刑
部主事歷員外郎中出爲福建按察副使有德甫集

十四卷

滄溟集余德甫晚成七言律乃有其勢雖氣未備生
惡可已小美之下將其人焉
弇州山人稿德甫近體亡所不超七言律尤妙
田按德甫詩不過七子派中下乘李于麟稱德甫將
爲大江以西一人王元美序德甫集云明興江右之
詩大紳子啟狂奔無論弘正之間一二操觚筆路監
縷勤而未聞其於西江前輩若劉子高劉子紹輩若
未寓目且舉半山雙井而嗤爲穿鑿僻澁而改社改
木惟德甫是尸斯所謂狂易之言不顧千古齒冷者
也

秋日登里盧閣

落木層城萬壑陰
暝煙高閣一登臨
青樽夜坐愁俱破
華髮秋來病轉深
雲裏金莖通碧漢
霜前仙梵度遙岑
十年留滯差微祿
何似空門不住心

魏裳三首

裳字順甫蒲圻人嘉靖庚戌進士除刑部主事歷員

外郎中出爲濟南知府遷山西副使有雲山堂集六

卷

藝苑厄言魏順甫如黃梅坐人談上乘縱未透汗不

失門宗
明詩選宋轅文曰順甫亦得七子聲調
靜志居詩話順甫差勝德甫尙非助甫有甫之倫

萬章甫兵憲滇中

仙郎擁傳出燕關開府西南控百蠻萬里煙濤青雀舫千秋
詞賦藝雞山主恩題柱雲霄上時難論兵天地間春到昆明
懷漢苑幾回鳴玉共朝班

送高伯宗還楚

文園多病轉相親搖落秋風白髮新寂寞潘輿傷往賦淒涼
郢調倦遊人雨聲萬壑懸江樹暝色孤帆落漢濱此去烽煙

開北極側身天地更沾巾

送顧五遊趙

磊落王門客艱危國士恩
八分傳漢隸一嘯失蘇門
辯已雕龍著篇應說劍存
秋風生桂樹春雨憶桃源
貧病才難盡疏狂道益尊
故園芳草色誰與賦王孫

明詩紀事

貴陽陳田輯

已錄

盧柟十六首

柟字少楨一字次楨又字子木濬人太學生有蟻蝶

集五卷

四庫總目蟻蝶集卅自序云蟻蝶者醯醢也取其係於
自奉介於自守不如蚊蚋之侵穢強啾又以事繫獄
類蟻蝶之阨燕吮羅蛛網振其音而啗啗者故以名
集史稱其騷賦最爲王世貞所稱詩亦豪放如其爲
人柟生當嘉隆之間王李之餒力熾而一意往還真
氣益沛絕不染鈎棘塗飾之習可謂毅然自立無所
依附者矣
藝苑卮言盧少楨如翩翩濁世佳公子輕俊自喜
詩藪盧次楨華藻不如謝而氣勝之世但知其賦耳
四溟詩話盧浮邱過鄴訪子草堂樽酒款洽因談作

詩有難易遲速方見做手不同盧曰格貴雄渾句宜
自然吾子何其太苦耶刻削有傷元氣爾子曰凡靜
卧宜想頭流轉思未周處病之根也數改求穩一悟
得純子美所謂新詩改罷自長吟是也吾子所作太
速若宿構然再假思索則無瑕之王倍其價矣盧曰
凡走筆率成一篇雖欲求疵而治竟不可得做手定
矣奈何予曰觀子直寫胸中所蘊出乎氣勝專效背
水陣之法久而雖熟未必皆完篇也子所作惟以仙
丹而療人間百病予詩如扁鵲脈用藥不失病源
盧曰平生口吃不能劇談但與子操筆對賦各見所
長予曰這是虛生偏強不服善處然其佳句甚多予
每稱賞但不悉記
明詩選陳卧子曰山人排蕩自喜頗有越石清剛之
氣
列朝詩集相詩律不如茂秦之細而才氣橫放實可
以驅駕七子
靜志居詩話次梗詩足以高視四溟
田按浮邱山人五古質厚氣勁有左記室阮步兵之
遺風七古神似青蓮七子中惟元美據其上餘子
不及也近體多疏野之致殆才有短長耳

敘隱三首

仙槎隔溟渤天漢嗟無梁桂樹含丹葩瑤草限年芳我生無
羽翰翮飛不能翔攬衣步宵月撫劍臨秋霜欲問嚴君平此
事何渺茫

鳳鳴千仞岡苞綵麗天雲高士有奇姿光華揚紫氛蘭蕙樹
百畹琅玕植千尋託迹在巖阿悲嘯有餘音歌終忽不見杖
策爲鄧林

幽人何髮鬚乘化游丹谿雲裾佩瓊璫煥煥駟蒼螭揉弄綠
蘿煙蹀躞紫霞輝薄言仁山椒璨齒修羽儀高舉謝塵寰長
揖答夷齊

秋日寄上晁春陵內翰

嘉樹何鬱鬱南山桐與梓柯葉苟不彊樵爨從茲始天道賈

苦艱甲第遺空壘棄置勿復道鉛淚徒瀾瀾一身當輶軻誰
能慕鄉里毒痛結我腸願君察識此

孟龍川自京師旋爲余言秋部李滄溟聞冤慨然有脫
囚之志寄上

驟驥駢龍媒嘶雲嘶蒼昊誰令服鹽箱西上太行道伯樂一
見之脫鞅苦不早回頭語紫燕報恩期瑤草

贈子青

燕客懷白壁別余長河洲杳若蒼梧雲飄落南天陬三楚彌
芳甸九江接春流喟言游此地孤嘯誰能儔

送顧聖少遊楚時余將往金陵二首

春山送行子春草惜離觴不盡孤雲意徘徊古道旁望望荆

門曉悠悠郢樹蒼此中有高詠遲爾寄江鄉

迢遙巫山陽曾仁神女節君今過此地坐見綵雲滅蕤瑤
草芳窈窕翠華結爲我一致之沈念紫煙別

宿蘇門山夜懷王龍池別駕有詩未就因追寄以此

昔登蘇門山獨發孫登嘯悵念青霞人披襟可同調落月照
林薄迴風吹海嶠相思轉陳迹俛仰憶悲眺

鄴下贈吳山人聞官軍與倭戰不利

慷慨燕市歌蕭蕭易水風至今多感激嘗摧壯士衷鄴中逢
吾子正值風塵裏劍歌爲爾開一語肝膽是西北戎馬喧東
北海水翻爾我俱草莽誰能期報恩白馬河上馳翩翩欲何
爲三軍氣已死主將無復知君有魯連箭赤羽不肯見請爲

約矢書一解聊城戰

送友還山

洛陽買畚逐世貧金華藏名四十春歸來浮雲變城郭矯手
落花輕拂巾堂中會飲還眾友低戶雲光散樽酒暫來白鶴
謝時人會向山頭一揮手

獄結後書情呈王龍池二府

蓬萊出海底金銀樓闕浮雲煙蓬萊仙人與我語授之赤明
玉宇瑤華篇長跪讀玉字五內發金蓮欲持紫腦訣常從上
清仙上清一去無窮已回飈吹落長河汜晚將詞賦上燕京
遂使明時笑巴里北闕風雲不可期歸來小卧青山睡奇峯
秀壑長相隨千巖度盡松風吹憑高把酒叫明月桂魄蟾影

皆參差醉尋劉伶頌醒詠阮公詩泰山雷霆何足有淶水洪
波可戲之烈烈雲間鶴脩脩蓬下鷄何意見相猜罹此血吻
患羽毛灑平蕪骨肉不敢盼園牆一去幾時回桃花坐見十
三開青春憶月秦人洞白日呼霜夏后臺我欲乘風震天鼓
前擁修蛇後狹獠九江溽溽未是哀太行輪摧不言苦東海
陸公眞神明決垣掎鎡鏘長纓古泉楊馬連章入制可始放
南山耕生來感此國士遇何限千秋萬古情入門一笑復何
有女解縫裳妻白首竈下尺薪貴於金盤中粒粟皆瓊玖惟
有床頭劍鋒在夜夜精光射牛斗射牛斗待張華神物詎肯
終泥沙不然飛入延平津今者蛟龍昔鎮鄒鎮鄒蛟龍孰可
判明公義氣通霄漢爾時我爲入幕賓贈之豈惟青玉案覽

王翁卷四
四
杯綺食飽我心至今側身倚增歎東風嫋嫋沙草春衛河深
水波龍鱗欲將輕棹尋仙館其奈楊花滿河瀕楊花不可留
河瀕不可極攝衣起舞龍門前坐客滿堂驚太息

寄徐龍灣比部

相思木葉落迢遞起重哀瀚海雲初斷盧龍秋正來慙無國
上報獨憶鳳城隈坐令生華髮臨風一痛哉

贈王少府封君水亭

長嘯下江閣披襟卽水亭魚龍淨秋浪舟楫倚寒汀且失干
戈苦還依社稷靈夜來看紫氣光滿少微星

隴水曲

隴山當面起隴水向西流中含妾墮淚幾日到涼州

秋興

買茅藉宇非無地檐花澗石錯相鮮西鄰野老憐疏放數借風亭涼處眠

歐大任二十二首

大任字楨伯廣州順德人以歲貢選江都訓導遷廣州學正入爲國子監博士歷大理寺評事進戶部郎中有虞部集二十二卷

滄溟集楨伯諸詩有格微辭兼到其白雪樓黃河中岳長陵陽翠師子南內等篇尤爲雄麗弇州山人稿楨伯近集其詞場鉅麗不復操粵音矣詩藪隆萬詠物之妙者若黎惟敬賦月掖中青桂隱國園歐楨伯賦雪禪堂邀客酒如霞極爲精工宏麗列朝詩集自王李倡七子之社嶺南則梁公實與焉已而進楨伯於廣五子進惟敬於續五子梁與歐黎皆出黃才伯之門讀書續言並有原本雖馳騁五子

列而詞氣溫厚脫蹶張叫囂之習識者猶有取焉
明詩選李舒章曰楨伯詩如新裁貢錦雖機杼未古
而時有鮮藻
廣東新語歐楨伯梁蘭汀李青霞黎瑤石皆泰泉門
人其詩正大典麗澤於風雅
田按楨伯詩才筆縱橫並長諸體七言古弇州獨擅
勝場自于鱗以下已不能工楨伯早歲結社南園有
鄉先生孫西庵黃雪蓬之遺風此體尤爲到格餘子
不及也五七言近體用字太密徵典太多雖饒鏤金
錯采之觀卻少彈丸脫手之妙余錄其清俊流麗者
爲此君洗眉刷目

江陵女歌

涉江朝採蓮涉浦夕採蘭送歡三峽渡憶妾六盤關

夏月齋中作

市隱變名姓嚴栖避囂喧媿余狗微祿七奔疲精神持牒浮
弋來荒齋謝煩冤期榛蔭嘉樹閑徑滋芳萱庭莎稍堪藉離

槿亦可藩皋月照百卉緒風扇微暄卽事遂優仰倦息局柴
門開篋讀我書千古精義存稱詩河梁作詮藝鄴下篇餘音
究正始末流沂開元斯文豈小技操觚競空言儻悟斷輪巧
無忘運斤難冥心自邱壑獨寐永弗諼超然樂恬虛道在懷
漆園

銅雀臺歌

建安西駕轅轅道二京舊迹忽如埽鄴都踞虎當塗高傷心
千里青青草英雄蓋世漢征西叱咤山河落日低左開朱邸
詞臣宴右指金戈壯士提中天銅雀何年築峩巖二臺更相
屬講武城連官渡口滏陽水遶漳河曲雄圖短日祇堪憐斷
履殘香滿目前總帷井榦含颯處空向西陵灋墓田蛾眉曼

睨娛清夜陸機已弔荒臺下美人歌吹詎堪聞賦詩橫槊何
爲者登臺可望華圭宮往事紛紛似夢中只見孤鴻向嵩洛
咸陽千樹盡秋風

送吳約卿西巡因訊張廣平助甫

金羈玉勒青驄馬繡衣直指稱使者薊雲滿地朔風高一杯
酌別都亭下憶我逢君意氣真燕臺楊柳尙殘春此日將軍
無揖客此時丞相未留賓碣石舊宮成馬廐華陽高館摧荆
薪君能置我門下走憐是風塵骭髀人昨者按節過三輔每
稱廣平張助甫鼎金誰能廉潔如文章更見風格古雖然慘
淡遶世情獨有芳馨在詞圃翩翩雄視百代前騁騁局促心
獨苦俯仰乾坤又一時萬方王道正清夷公卿喜上推賢疏

郡邑多傳樂職詩君行再出趙魏間攬轡應登馬服山檀淵
西望黎陽渡瓠子東障金隄關長途魍魎知相避負弩前驅
或一攀憐才此去仍推轂爲我問訊憔悴顏馮唐歸日逢停
輦肯薦雲中魏尙還

劉子修歸湖上居贈以長句

射陽湖上煙樹多濁水奔流江作波邦溝西北入淮去一夜
秋風渡槽河竹西歌吹何年路廣陵回首瓜州渡胥涇不見
浣紗人參軍只有蕪城賦眞州肯與譚生遊門下肯稱劉子
修曾揖長桑傅肘後還能滿壁畫滄洲前年擊筑過燕市昭
王臺邊遇劉子揮毫命酒見平生薦引無人解知已丹青傳
色出董源晚於山色師荆關猶恨壯觀未極意跨蹇從我遊

西山風吹柳花滿京坂忽憶射陂春已晚公卿投轄不可留
買舟直向湖南返到家稚子候門庭湖上蘆黃楓樹青行持
西掖裁書筆歸注東臬釀酒經我畏東華輒紅熱木門琅倉
不堪謁長吟左氏招隱詩尋爾持竿釣湖雪

夜聽譚七吹笛因憶金陵張六

譚君置酒燒銀燭爲我停杯吹紫玉正逢蘭佩贈佳人何事
竹枝奏離曲數聲裊裊斗柄低斷雁哀猿入耳唳霜滿洞庭
悲落木螢流長信恨空閨倚闌只訴君心苦別客聽之更淒
楚此夕同遊石井山明朝獨下松陵浦憶昔江東落魄行張
郎視我猶弟兄春園嫋娜吟花下夕館參差醉月明六載分
攜別離久何人共把長干酒千里音書不可來夢中時見白

門柳摧藏今已非少年彈鋏哀歌薊柳邊
備書班氏誰曾問學劍相如只自憐
看君暫得同歡笑猶勝金陵隔煙嶠窮
離愁不可揮請君三弄江南調

金陵遇誠意伯劉君飲酒歌

君之烈祖起括蒼攀龍附鳳從高皇
帷幄前籌決征伐不數漢代張子房
論功開國居第一汗馬勦勞甯敢當
泰山爲礪河爲帶金書鐵券同侯王
從此悠悠二百載鼎彝雖勒恩中
改甯因飲酎賁黃金詎爲煮鹽擅東
海外戚金貂奉朝請麟閣宿勦幾家
在苗裔飄零編戶同英靈感會風雲
徙先帝特紹功臣封君首蒙恩拜九
重留侯已復山河誓豈但褒公與
鄂公宿衛禁中時引見前年軍府
開江東刀筆何人肆媒孽

屏居亦似藍田中我來共飲金陵市悲歌醉把壺篠倚只今
煙塵滿邊鄙羽林材官兒戲耳至尊念君曾無裨問是郁離
之孫子豎儒不足報朝廷酒酣拂劍君當起

秋曉渡魚塘海寄鄭二

晨榜催宵發荒煙浦澈迷津微遙見樹村近稍聞雞宿莽漁
先起殘荷鷺尙棲羨君高枕卧誰念庾安西

送元誠叔父北上

漢家頻下詔賦客上金鑾言從蘭權去暫輟竹林權白雁江
汀晚黃花驛路寒明年燕酒熟把袂醉長安

寄謝茂秦

鄴下使空返潞南書更難祗應勞遠夢何以報加餐賓客平

原散衣裘上黨寒行賊君莫問吾自老江干

登謝眺樓

南朝多出守誰似謝宣城宛水猶詞藻青山有姓名煙開平
楚遠練淨大江橫更望新林浦應傷去國情

汴梁懷古

縹緲宮城十二樓玉津無復昔年遊煙深廢苑常疑雨柳折
殘隄半是秋遺老尙能談楚漢平臺誰更召枚鄒輜軒一望
中原路長送黃河過汴州

十月虜警書事

朔氣初飛萬樹霜驚傳胡馬過漁陽從軍豈乏三河少度漠
會招六郡良鳴鏑月寒窺雁塞射雕雲暗散龍荒皇威赤羽

勞諸將不似周王擁白狼

登遠后粧樓

綵檻雕闌半已荒
房櫳樹色隱蒼蒼
年深凍蘚迷粧匣
人去秋雲鎖屨廊
玉鏡尙懸遠海月
瑤花不散薊門霜
三千部落無勞望
鵬綠江頭雁幾行

泰州光孝寺閣懷五臺山秀上人

青騾東去久無蹤
誰道人間有赤松
孤閣雲帆京口寺
萬家煙樹海陵鐘
白榆歷歷今何遠
玉舄翩翩不易從
欲問眞如慰岑寂
禪房明月在千峯

聞吳明卿謫高州

漢家遷客意如何
五嶺風煙擁傳過
借客姓名奇節在
窺人

烟烟畏途多中原尙走銅魚使下里能高白雪歌已約葛洪
迎鮑靚羅浮秋色更嵯峨

哭李于鱗

梁園歸去老菟裘聞道先生不下棋太白星沈滄海夜岱宗
雲散大荒秋歌風東國泱泱後作賦西京楚楚流千古孤陽
招莫返青山何處挂吳鉤

田按哭于鱗詩作者多矣惟此詩蘊藉動人

哭黎惟敬

南北銷魂已黯然誰知掩淚向江天傷心別路三千里回首
浮雲五十年粵隱獨先持海釣楚遊曾約問龍船他時縱聽
鄰人笛只在山陽竹樹邊

揚子江上寄倫膳部

夷猶望京邑江月聽秋潮誰念扁舟客新林向板橋

螢苑

玉輦宵遊處山螢萬點飛後庭方熠熠不照錦帆歸

豫章春遊

千花萬花日暮飛石頭渡西江舸稀無錢取醉禁愁得芳草
如煙人未歸

送吳有定遊洞庭山因訊顧季狂

江閣鶯聲共醉聞扁舟東訪洞庭君若逢顧愷丹青筆寫寄
包山一片雲

俞允文

十一首

允文字仲蔚崑山諸生有仲蔚集二十四卷

滄溟集仲蔚冲雅有應徐之韻

藝苑卮言俞仲蔚嘗有寶劍篇中云海內常令萬事

平匣中不惜千年死如此語亦不可多得

弇州山人稿仲蔚五七言古正始之音出微入妙近

體小有散緩恐一二微聖不無連城之累赤牘委致

義慶若在當令絕倒

梅花草堂集仲蔚五言古近薄建安退亦不失陶謝

弇州山人續稿仲蔚少工臨池久而益擅之小隸駸

駸歐柳而上登吳興之堂行書出入褚河南稍縱之

則米襄陽八分自謂得西嶽碑體以方韓蔡茂如矣

明詩選陳卧子曰仲蔚七言絕其調甚正

靜志居詩話七子之教五言必宗河梁建安竊優孟

之冠學壽陵之步求其合而愈離當日二子於五古

極口仲蔚然仲蔚殊少神解余意尙在盧次楨下二

子之言出一時之好未爲定論也然仲蔚於歸熙甫

文名未盛之時結契最先又論詩不心服于鱗亦有

識之士

田按仲蔚早棄諸生名品既高吐屬雋雅五字詩吳

中如皇甫昆季王雅宜輩皆以此擅長仲蔚稍弱亦

王元美兄弟遊惠山次唐人韻要與同賦

谿路到山盡山行隨深樾始及青蓮宮杳與人世絕春燈晝
炯炯綠焰猶未滅緬懷杉松夜煙際浮海月寥寥鳴鐘初萬
籟沈不發冀同息心侶聊以謝歸轍

玉女潭

昔聞有神女于此駐精魄神女去已久誰辨煙霧迹蒼然兩
崖豁下削瞰峯峒際頂松蘿高陰竇注寒液潛流澹苔定萬
古澄黛色奇氣入襟懷遂與人事隔飄飄塵中想乃假外見
釋始知神人居不獨在幽蹟

登毗盧閣

古閣秋氣清千里滅煙霧連山開雲秀頽城斷行路殘僧皮

荒齋寒鳥落高樹中多故人情停杯日空暮

贈大雲英上人

開士道林秀敏妙通慧性精廬住平壤宛如山林靜迴谿將
百盤始得入幽徑龍鱗松龕古石塔蓮花並渺然滄浪天寂
照有虛映動搖參羣象重影森萬鏡自愛臨汎美日見心虛
淨道成向何年吾其學禪定

書李唐采薇圖後

惟昔夷與齊畢命隆義聲長嘯羣山中飛芳振蘭蕕傾筐停
瓊靄憫默薇蕨情冥遊超立迹卉木有餘清李唐稱畫史深
心寄廉貞豈惟粉墨殊直使頑懦懲炯然珍圖上空林肅遺
形灑筆仁遐軌千載希令名

贈林上人

上人天機秀諸法了自別雖行黃塵中素心皎白月空林響
秋籟淒寂忘言說聊因啟真采求人無生滅

寄李攀龍

烈風飄中野惻惻將焉之世務多委曲龍性非俗宜君子存
遠鑒端操方獨持息心都邑遊長嘯歸東菑遺榮棄鄙議一
往不復疑逍遙極歡情散髮臨川坻達人貴止足斯義誠不
虧引領仁所欽安能與我偕

送葉伯寅遊永嘉

昔聞謝康樂高情屬霄漢符守焉足羈滅蹟類幽竄風疏人
倫外尋雲常苦曷所託良未淺賞心寄繁翰晷哲既殊調今

子亦同賃理棹及秋晨逸志期汗漫沿牕嚴子灘奔峭赤亭
岸樹隨猩髓深峯與煙霞亂清江千仞激甯假濯纓玩觀奇
諒心契旅遊豈情歎傾想遲歸舟舒情共欣讚

畫山水歌

連山波浪隨嶇嶇嶽朝朝出雲多作陰復有飛泉出雲上迷巒
羣岫增重深人家近住路還絕家家種田飯香雪果熟頻將
猿狖爭酒醺不緣賓客設漢陰抱甕如等閒處處疏泉灌石
田每歲桃花春水漲時看天際下漁船

與子與登呂山

憐君相送出停橈登呂山攜尊復開酌把袂忍言還一鳥響
丹壑千崖澄綠灣聊因緩歸趣蘿壁共躋攀

塞上曲

風高塞虜入龍堆大羽瑯弓象月開一片黃雲秋蹟裏遙看
精騎射雕來

李先芳 五首

先芳字伯承濮州人嘉靖丁未進士除新喻知縣徵
授戶部主事改刑部歷郎中改尚寶司丞進少卿謫
亳州同知有東岱山房藁三十卷

四庫總目嘉隆詩社先芳首倡厥後王李踵興遂摺斥
先芳不與七子之列繼以先芳憤激乃收之廣五子
中子慎行稱其詩與李攀龍異曲同工邢侗亦稱歷
下名愈高濮陽苦爲所掩然修戈待備未嘗忘于鱗
今觀其詩才力實出攀龍下明末攻攀龍者遂欲以
躋攀龍之上非篤論也
弇州山人稿衣冠之雅于鱗日揭則吳生入室宗徐
升堂伯承峻伯順甫二三君子亦當兩廡

于慎行穀城山館文集吾里兩李先生其稱詩不同
厯下以氣骨合神湛灑萬有而發以雄迅意嘗超於
象之表濮陽以才情赴調融洽眾采而出以和平力
嘗畜於法之中蓋所謂異曲同工者

明詩選陳卧子曰伯承爲七子先驅而其後不振
列朝詩集伯承未第時詩名藉甚嘉靖七子之社伯
承其若敖畚冒也厥後李王之名已成羽翼漸廣而
伯承左官落簿五于七子之目皆不及伯承伯承晚
年每爲憤盈酒後耳熱少年用片語挑之往往歸目
嚙齒不歡而罷邢子愿以壺使按吳訪弁州而歸伯
承與極論其始末語已目直上視氣勃勃頤頰間拍
紫覆杯酒沾溼子愿遂巡不敢應後爲伯承誌墓
亦畧及之余聞之盧德水如是今之論者奉厯下爲
晉楚抑掄伯承使之捧盤盂而從小邾之後余錄伯
承詩次于于鱗之上使伯承之魂爲之默舉且以問
孰耳食者之口也

靜志居詩話伯承與元美于鱗同舍故等夷旣而
七子盛名狎主壇坫元美收之廣五子之列意寢不
平晚逃於詞曲觀其詩雋一書詳於淮北遠及巴蜀
而獨黜大江以南蓋以吳楚揚粵之間七子賓居其
五其微意可窺也
田按伯承博雅饒著述所著有折衷錄蓬玄雜錄五

嶽志畧闡微錄安攘新編拾翠軒雜纂醫家須知一
壺千金老于本義陰符經解壺天玉鏡懷州志等書
其論古詩斷自魏晉以上為上乘近體十二子李杜
以上為大家此與王李結社持論合轍者也王李抹
殺宋元諸家伯承選錄宋元詩于鱗謂伯承貽我新
刻並多出入畔我族類當為此而發東岱山房集近
體差有合作較其才力安能與數子爭雄于鱗所云
讀伯承新刻推意就辭未合而戰遂劣非苛論也然
伯承五哀詩懷滄溟云鮑山宿草幾經秋歷下猶傳
白雪樓白雪調高人寡和鮑山雲盡水空流斷腸魂
夢通今夕握手交情憶昔遊曉倚東門占紫氣真人
儻許鴈青牛心折于鱗如此牧齋乃欲次伯承詩於
于鱗之上伯承有知當亦不敢自居矣

江上晚行

寒帷方出郭江上欲黃昏卻望東原道青山蔽縣門蟬鳴月
裏樹犬吠水邊村何處分漁火蘆花隱釣輪

夜渡清江

聞樞那能睡倒衣時扣舷蟲聲悲野草漁網集潭煙江張晚
來急月明秋可憐一爲山縣吏夜夜帶星還

雲津送袁生之京

曲水平橋江岸斜雲津門外送仙槎離亭握手愁將夕遠道
逢春發易華二月行人折楊柳一年心事問桃花蘭橈泊處
東風遍細雨樓臺燕子家

九江

潯陽春盡水連空九派煙波處處通彭蠡不傳淮海信江豚
空拜石尤風湓城樹色浮天上廬阜嵐光寫鏡中估客乘流
千艇下輕帆飛過楚雲東

寄懷汪正叔憲副

楊花飛雪入船窗此際君應渡九江欲向春風問消息南來
鴻雁不成雙

吳維嶽二首

維嶽字峻伯孝豐人嘉靖戊戌進士除江陰知縣徵
授刑部主事歷員外郎中改兵部出爲山東督學副
使歷湖廣參議江西按察使以右僉都御史巡撫貴
州有天目山齋歲編二十四卷

藝苑卮言吳峻伯如子陽在蜀亦具威儀又如初地
人見聲聞則入大乘則遠
靜志居詩話峻伯如鉛刀土花不堪灑削然其五律
頗具岑嘉州張司業風格句如關河春雁少風雨暮
鐘多細雨來應晚空山到已秋亂水穿林響殘星綴
嶺低暮雨初收市秋江正長湖潮生風聽急江雨遠
看無淵水斜穿筱林煙遠山村鐘殘寒雨外雁沒遠
煙中較之明卿子與輩故自勝之

送別張元洲廬州守

張君磊落出人羣蚤年射策干明君座間逸氣凌中散案上
奇篇似子雲畫省移官來白下綠槐晝日垂簾暇烏鵲吏散
簿書清對客含香吟未罷嗟余樗散幸同遊擬開三徑追羊
求載酒幾投城外寺看雲長上省中樓數載芳名動當之廬
陽忽報除君去剖符獨擁專城居露冕爭誇行縣處莫苦今
朝挽別裾明光他日下褒書秋風回首長安道先寄龍江雙
鯉魚

雨村道中

踏凍看山興亦新梅花偷放臘前春路緣半壁時停騎屋傍
懸崖少過人晴雪背陽留北嶠寒流伏草出前津松杉到處

羣麋鹿何必桃源稱隱淪

明詩紀事

貴陽陳田輯

目錄

黎民表

三十五首

民表字維敬從化人嘉靖甲午舉人除翰林院孔目
歷吏部司務制敕房中書南兵部員外改戶部進郎
中出爲河南參議有瑤石山人稿十六卷

四庫總目民表詩雖錯采縷金而風骨典重無綺靡塗
飾之習

弇州山人稿瑤石五言古自建安而下及梁陳靡所
不出入近體颯颯全盛遺響

詩藪詩之晚年彌工者黎惟敬歐楨伯皆嶺南巨擘
也惟敬近體深靚莊嚴類公實而老健過之

靜志居詩話瑤石詩讀之似質悶而實沈著堅韌元
美所取續五子無媿大小雅材者僅此一人而已

田按竹垞評瑤石詩似質悶而實沈著堅韌此第論
五古一體耳集中五律精深妙七律風調流美五
絕清微淡遠嶺南當時詩家梁歐黎三人工力悉敵
公實質地較優而中道天折植伯瑤石享中壽故成
就有不同耳

出郭十里望白雲山

伊余霞外心夙協滄洲想芳春戒簪朋青谿肅徂雨瀾瀾清
露溥英英白雲上旭日熹陽厓暄氣散林莽接道旣繁紆窺
川亦沆瀣千呂氣多奇建木影殊狀陟雲脰已捐覽勝心逾
壯立圃非冥設丹邱豈外象願矯凌風翼永恣山泉賞

登白雲最高頂

靈嶽奠南澳鳳翼矯而峙上千燭斗樞下盤絕地理修坂饒
蒂苓迴谿陰榭梓東觀極扶桑西窺逼濛汜晨標頽霞截夜

氣白虹起玉樹發葱青金潭耿清泚平生信經奇茲山擅巨
美圖史設莫傳偶偶固難紀儼驂飛龍遊長揖當途子

虞翻宅

城西有名刹云是仲翔園煙蘿日以翳堂隍無復存幽林集
異鳥曲沼羅芳蓀諫獵想奇節醉酒悼微愆懷瑜爾何罪捐
珎誠少恩才情豈不劭骨相故多屯瘴鄉有逆旅江介滯遊
魂抱獨繁遐感談經思偉言運銷名詎滅身屈道彌尊惟有
青蠅數千秋傷隱淪

天甯寺

僧道衍故居

穹標干朱鳥崑嶺峙黃句迢遞屢劫餘曠望千里見威神翊
棟宇丹梯凌棧齟隋荒戒不遠秦餘迹可踐宇內騁良圖異

人側延盼混迹漁樵流中備帷幄選叱咤興風雲指磨定京
縣豈徒人謀勝寔以覺力顯曩基有增飾故池仍重穿金骨
永不焚智燈夜猶炫弓劍歸鼎湖丹書閣淨院古瓦蒼鼠竄
寒林夕鳥嘯玄運有興衰浮生信露電迷川藉津航塵海孰
漂轉窮途創奇觀臨風淚如霰

登泰山作

神皋表東海作鎮何穹窿氣匠構萬有揮斤闢鴻濛頽然壓
九野奔伏如遊龍飛梯倚立壁側足臨絕淙靈飈生兩腋乃
造玉女宮仰視但蒼莽欲往階何從平生汗漫遊冷然感絕
蹤海日連周觀悲風起秦松息影止岩下搖心尙忡忡

夏仲昭萬竿煙雨圖爲劉仲恭題

洋州墨竹曾傳譜東吳夏卿亦其佐常掃風枝及雨葉世人
往往傾貲取此幅離奇動萬竿煙嵐滅沒蛟龍蟠碧鮮下拂
彪池淺翠葆陰生洞壑寒天籟刁騷忽然起水意山情落裴
几窗前作賦夏金聲林下揮觴助立理煩襟俗狀借解紛始
知不可無此君寫真已足輕尺璧何況溪邊十畝雲願君寶
之勿輕擲城南僦舍勝泉石藉苔滄苔時展觀洗予骯髒風
塵色

留都

伊昔風雲際誰依日月光鹿窮歸厯數龍變化侯王俎豆丹
青裏江山劍戟傍鉛刀思一騁流恨向宮牆

彈子磯

茲嶺何綿互孤根下杳冥雲光盪鳥背水氣雜龍腥蜀道攢
爲閣廬山疊作屏定知人靜後風雨語精靈

香爐峽

重林遙蔽日羣峭上摩天蜃氣何齒岸猿聲更接連雙娥行
雨廟百丈上龍船遠道應愁絕鄉園若箇邊

吳給事左遷同徐比部過訊

流言生白髮落羽自丹青一去甘微祿羣公在聖朝才名甯
燕雀身世且漁樵江上青楓遠客魂終易銷

嵩臺

景絕因江會樓高更得名山迴到海色樹殷落潮聲日影朱
旗直風含白璫輕憑欄聊引睇誰悉古今情

鐵泉菴

鐵壁臨千仞，乘危更一探。
瀑前安茗竈，松杪出花龕。
鶴憶窺殘帙，猿經伴夜談。
誰能開丈室，招隱南山南。

同肖甫夜宿龍華寺

曲水通龍沼，荒塍次鹿園。
風塵湖外斷，雲氣島中騫。
靜院鳥雙下，寒檠客對言。
誰知朝市裏，叢桂得扳翻。

舟泊金川望唐允治歐彥楨不至

嶺雲關樹思依依，江上初逢秋月輝。
歧路無情還獨往，青山有約更同歸。
煙生古戍逢人少，水落寒塘見雁稀。
楚客此時頻悵望，不知何處寄金徽。

陳貴吾歐彥楨約遊玉舄亭故址

弱水桑田更淺清殘碑猶自記嘉平青驪海上應無迹玉鳥
人間尙有名笙管御風迴鶴夢杉松將雨雜鸞聲那堪采藥
歸來晚夜夜東風憶五城

春興次彥楨韻

午夜鏘鏘簇佩鑾金吾千隊警長安欲求海客先祠竈擬醮
神君更築壇丹桂影中迴日御碧桃花下聳雲冠侍臣聽罷
釣天曲銀浦無聲沆瀣寒

燕京書事

朱樓迢遞接平沙歎息深聞有麗華青鳥幾時隨阿母綵鸞
今夜屬良家桃栽碧海多成實桂貤長門自落花寄語采桑
南陌女莫將顏色向人誇

登鎮海樓得憑字

歷盡丹梯第幾層
下臨千仞若無憑
石間細路繁紅葉
松頂寒花賸紫藤
遠目只隨芳草去
清歌長共碧雲凝
三山波頂空愁思
誰躡鵲鸞共上昇

經山人李子長墓

墳前烏雀啄高枝
過客能傳處士詩
食肉未爲何點累
解醒終笑季倫癡
荒山艸葬非違俗
流水浮名尙有碑
獨鶴不歸華表柱
麒麟高塚幾纍纍

東山別業爲梁少傅作

十里青山帶郭遙
風花三徑斷漁樵
衣冠韋曲名家後
詞賦淮南隱士招
對酒暝煙連竹墅
杖藜晴色過溪橋
登臨更有

羊何和詩興逢秋未寂寥

答張肖甫訊余卧病

落木寒砧不可聞山川蕭索夜平分
故人顏色看明月倦客心情在白雲
滄海終懷鴻雁計赤霄新起鳳凰羣
何人不奏甘泉賦寂寞蓬蒿始見君

春日同許元復顧汝由兄弟遊白雲觀

萬行珠樹接丹邱白日曾傳鶴彩虬
鶴犬已隨金節去衣冠不見翠華遊
人間陵谷成千載劫外乾坤自十洲
行客只貪風景樂豈知芳草易生愁

相伯以泰泉先生遊羅浮之作見示依韻寄上

曾事蓬萊洞裏仙風塵回首隔鈞天
燒丹甃冷殘金薤洗藥

池荒長碧遶潮水別來猶到海山庭
歸去欲馳煙瑤臺東畔
茆廬在小住桃花五百年

戴金吾伯常招飲鄭園

禁城秋色淨無煙碧水澄波帶遠天
十里樓臺通泰時五陵
花木有平泉風搖柳浪低紈扇日暮
菱歌起釣船冰簟疏簾
銷暑地流塵知不到尊前

九日同李給事馮吳二侍御歐文學登城南樓

魚鱗重閣鎮薊垣河山橫在赤闌前
愁中白雁驚千里客邸
丹楓又六年玄朔烽塵秋入塞紫垣
宮闕上侵天淩雪更接
詞人賦不數蘭臺白雪篇

送李伯承還山

黃塵拂衣歸去來
酣歌擊筑相徘徊
青山似惜敬亭別
明月況有金陵杯
煙中柳條折欲盡
池上浮萍吹復開
楚江渺然挂席去
知爾萬里遊蓬萊

送張羽王移六安

與君南浦一相逢
聚散那知少定蹤
白首天涯猶謫宦
故人雲路幾登龍
心遙皖水城邊月
夢落浮槎寺裏鐘
莫歎賦才無客薦
長門誰是主恩濃

江行

袁郎清詠處
月夜遇征西
寂寞憐才意
空江鳥自啼

秋雨集靖泉精舍

樓北控青山
是昔呼鸞道
金輿終不來
羅衣散秋草

列岫亭

會心不在多一邱堪偃蹇始笑武陵人移住花源遠

竹在亭爲貞吉賦

齋閣夜蕭寥風林散清影天籟忽刁騷幽人夢初醒

爲劉仲修題畫

長風送棹歌得魚滿笊簪若逢市朝人道是江南景

宮詞三首

金屋無人奉屬車君王初誦上清書日長不用教歌舞自繞
琪壇學步虛

未央樓殿敞秋風芝火煌煌徹夜紅知是驂鸞朝太乙旌幢
斜出五雲中

立殘銀漏未更衣聞道龍池駐翠駢衛士夜深傳畫燭御街
塵起六臣歸

王道行 一首

道行字明甫陽曲人嘉靖庚戌進士除鄧州知州歷
大名蘇州知府陝西參政河南按察使進四川布政
使有桂子園稿

大泌山房集龍池詩不雕刻以傷氣不敷衍以傷骨
捃拾博而師匠高

九月朔夜與友人飲南城樓

玉棟飛雲臨太空銀河咫尺若爲通羣公環珮天風外萬疊
林巒煙雨中叢菊喜逢佳節近芳尊先與故人同祇今青海
無傳箭坐鎮深知鎖鑰功

石星 一首

星字拱辰東明人嘉靖乙未進士除行人進吏科給事中坐言事杖爲民起原官遷尙寶司少卿歷大理寺丞進少卿出爲南太僕寺卿擢左僉都御史協理院事進左副都御史歷兵部侍郎進工部尙書加太子少保改戶部兵部晉太子太保加少保以事下獄論死

靜志居詩話少保雖與弇州聲應氣求然風雅道遠弇州與陽曲王明甫齊進之續五子之列月旦如是初不爲千秋起見止任一時之愛憎而已

同穆敬甫舟中

風雨蕭蕭野色昏故鄉歸去掩柴門殘春花鳥收詩卷大地

山河入酒尊抗疏匡衡歸計紬窮途阮籍壯心存相逢東道如相問洛下猶餘數畝園

趙用賢一首

用賢字汝師常熟人隆慶辛未進士選庶吉士除檢討以建言杖爲民起春坊贊善厯南國子監祭酒就進禮部侍郎改北再改吏部卒贈禮部尙書謚文毅有松石齋文集三十卷詩六卷

列朝詩集文毅彊學好問老而彌篤午夜攤書夾巨燭窗戶洞然每至達旦爲文章博達詳瞻少年頗嘗藝弇州晚而北面稱弟子弇州亦盛相推挹作續五子詩及之而未五子居首焉

宿昭陵齋房呈溟南趙館丈

先皇原廟俯層陰肅穆祠官奉御心月露夜零千嶂曉風泉

寒咽九龍吟空傳遺鳥留園
痕猶想鳴珂直禁林
繡草臺何日事侍臣
惟有淚沾襟

明詩紀事

貴陽陳田輯

目錄

屠隆 十五首

隆字長卿鄞人萬歷丁丑進士除潁上知縣改青浦徵授禮部主事歷員外郎中有由拳集二十三卷白

榆集二十卷栖真館集三十卷

弇州山人續稿長卿詩語秀逸有天造之致的然大

沈明臣豐對樓集長卿詩文宏肆鉅麗高華秀美燁

然動人心目野獲篇今上甲申歲刑部主事俞顯卿論劾屠長卿

得旨兩人俱革職爲民俞松江上海人屠令青浦以

事干謁屠不聽且加侮慢俞恨甚至具疏指屠淫

西甯夫人有才色工音律屑亦能新聲頗以自炫每
劇場輒闖入羣優中作技夫人從簾箔中見之勞以
香茗因以外傳至於通家往還亦有之何至如俞疏
云云也近年屑作蠶花記以木清泰為主嘗怪其無
謂一日遇屑於武林命其家童演此曲揮策四顧如
辛幼安之歌江山千古自鳴得意子於席間私問馮
開之祭酒云屑年伯此記出於何典故馮笑曰子不
知耶木字增一蓋成宋字清字與西爲對泰卽甯字
之意也屑晚年自恨往時孟浪致累宋夫人被醜聲
侯方稱用亦因坐廢此懺悔文也
列朝詩集長卿令青浦延接吳越間名士沈嘉則馮
開之之流泛舟置酒青簾白舫縱浪柳浦聞以仙令
自許在耶署益放詩酒中白簡罷官壯年不自聊縱
游關塞思得一當歸而談空覈玄自詭出世一無所
遇爲大言以自慰而已晚年出盱江登武夷窮八閩
之勝阮堅之司理晉安以中秋大會詞人於烏石山
之鄰青瑩名士冥集者七十餘人而長卿爲祭酒梨
園數部觀者如堵酒闌樂罷長卿幅巾白衲奮袖作
漁陽搯鼓聲一作廣場無人山雲怒飛海水起立林
茂之少年下坐長卿起執其手曰子當爲搥鼓歌以
贈屠生快哉此夕千古矣長卿答友人書自敘其所
作以爲姿敏而意疏姿敏故多疾給意疏故少精堅

束髮操觚睥睨一世長篇短什信心矢口嘗戲命兩
人對案分拈二題各賦百韻咄嗟之間二章並就又
與人對奕口誦詩文我誦彼書書不逮誦非不欲求
工厭物而姿性使然雖復苦心腐毫閤筆不下亦止
如是長卿雖爲吏家無餘貲好交遊畜聲伎不耐岑
寂不能不出遊人間自謂采真者十之三乞食者十
之七蓋實錄也
甬上耆舊集先生吳才天縱橫視古今里中父老傳
其飲中下筆杯影尙搖歌聲初轉一揮已滿四座盡
傾其七言古詩要當於彼處山奔海立斯亦一奇也余嘗
謂錄古人詩要當於彼處山奔海立斯亦一奇也余嘗
卿僅存一律復非其所意得使其獨擅者耳近人選長
其未行世詩文名絳雪樓集尙數十卷藏於家
明詩選陳卧子曰緯真詩如衝煩驛舍陳列壺觴頃
刻辦就而少堪下箸
靜志居詩話長卿才非不高而縱情奔放記云不知
所以裁之者也
田按長卿才氣縱橫長篇尤極恣肆惟任情傾瀉不
自檢束未免瑜爲瑕掩錄詩者但取寥寥短篇安足
見所長李杲堂云錄詩非其意所得使前人才氣於
何得伸最識文人苦心余於解大紳曾子啟屠長卿
諸人均用此意使才鬼有知當拊舞地下

短歌

喬木多陰曠土多懷憂來無端西風鳴哀

解一

無登高臺以望

曠遠浮雲西馳白日何短

解二

晨登崑崙以臨具茨四海雖廣

不容須眉

解三

太行可升海水難測短褐行歌聲出金石

解四

劉生

遊俠重三秦微軀可借人肯負將軍諾甯辭丞相嗔桃花嬌
寶騎芳草映文裯不向沙場上誰知百戰身

荊卿歌

荊卿蒲舞陽七首挾秋霜殺氣衝寒日悲風下大荒繡柱猶
堪遠金屏不可防燕魂飲恨沒秦草逐年芳

吁嗟行爲馮開之賦

吁嗟馮先生汝爲我飲我爲汝謳仰天大嘯銷百憂星辰北
走河漢西流昨日北風叫枯桑今朝芳樹鳴鴈鳩世事如此
今我何求我欲努力取富貴富貴難自適我欲局促修空名
空名竟何益丈夫低眉復苦心笑殺金華紫煙客夜來聞君
浩蕩言使我酒量大如斗瑩舜桀紂總枯骨不如月下一杯
酒紅燭未殘歌聲漸低酒中累月堪沈迷空林不問城烏曉
吁嗟馮先生眼前落落君與我百年一日且瀟灑好風吹花
花欲言與君爛醉筵簌下酒罷登臚恩黯然絳桃遙指西湖
邊今朝送君出門去明朝世事還相煎相煎何爲快意當前
中酒迷花虛白日萬山千水隔蒼煙

劉御史歌

丞相怒烈士戍驄馬來烈士災陰風蕭蕭神靈哭不止黃沙
荒荒烈士死吁嗟乎劉御史遼陽天黑白日沒下有狹獮上
有鵠磨牙鑿齒據其窟山鬼不敢弔河伯不敢出妻子那及
收骸骨嗚呼噫嘻何人殺孔融何人殺臧洪男兒出身報天
子俛首屈死蓬蒿中雲旗獵獵紅滿空天兵下來衝煙虹將
軍十道開寶弓誰當迎御史上帝特遣關龍逢關龍逢握公
手釀天河挹北斗拂公塵埃飲公酒人間險巖天上否遊戲
白玉堂逍遙黃金牖椒山青霞亦公友自公去矣廓氛霾天
清地朗日月開墓前銅雀化爲灰塞上金雞謫戍圉公不在
矣使心哀我哀何爲公不答仰視高空寒颼颼白雲蒼茫九
閔合乾坤轂轉人事還天子下詔褒忠賢鬼蜮射人虹霓障

天殲我烈士古路邊榮以大官寵大篇子孫仍賜綿上田蕙
穀桂醴焚紙錢年年寒食墓門煙

田按劉御史安福劉臺也萬曆初巡按遼東坐誤奏捷奉旨譙責旋上疏劾輔臣張居正疏載明史本傳中語甚切直居正怒延辨之曰在令巡按不得報軍功遼東大捷臺進制妄奏法應降謫臣第請旨戒諭臺發憤於臣且臺為臣所取士二百年來無門生劾師長者計惟一去謝之因辭政伏地泣不肯起帝降御座手掖之慰留再三居正強諾不出視事帝遣司禮太監孫隆齎手敕宣諭乃起遂捕臺至京師下詔獄命廷杖百遠戍居正陽具疏救乃除名為民居正恨不已臺按遼時與巡撫張學顏不相得至是學顏入為戶部誣臺私贖錢居正屬御史于應昌巡遼意之而令王宗載巡撫江西廉臺里中事二人希居正意實其事以間遂戍臺廣西臺至潯州飲戍主所歸而暴卒是日居正亦卒御史江東之訟臺冤劾宗載應昌南京御史孫繼先亦發學顏陷臺罪帝方嚮學顏得不問已而江西遼東巡撫除名贈臺光祿少卿旗傾陷皆有狀宗載遣戍應昌除名贈臺光祿少卿旗一子天啟初追諡毅思

卓徵甫光祿張具大會汪伯玉司馬諸名賢西湖南屏

山分體得隄字

天空秋氣高雲盡虛堂敞山川旣以嘉風日亦以朗賢豪大
會傾東南瓊筵飛蓋邀清賞松蘿偃戶路欲迷水風度曲聲
轉低可憐楊柳尙垂地正及芙蓉開滿隄酒酣杖策捫高嶺
縱有涼颿扶不醒座擁金釵十二行湖吹雪恨三千頃秋扇
盈盈隔絳紗美人一一芙蓉花好取清歌留落日更將秀色
比明霞諸公競起尋詩去嘯入蒼煙不知處興到甯辭琥珀
杯詩成盡詫珊瑚樹吁嗟乎蘭亭寂寞哀諸賢千秋風雅今
寂然此會名追王謝後只疑身在永和年

神鉤篇贈李子年

吳人鑄劍天下無三子精靈時可呼雷鳴電擊勢飛動夜深
妖血猶模糊水犀十萬壓羅刹光閃吳鉤白如雪提攜在手
鬼夜愁橫行東南摧越絕仰挾浮雲六合昏俯斫海水蛟龍
奔李生才氣有如此無乃古鐵之精魂君不見荆卿匕首往
不同終作秦王柱下灰子房偃蹇遇黃石滅楚興劉起三尺
古來英雄真不同意氣橫空貫白虹

孤憤篇

城南蕭蕭行人斷野風吹沙白草短狐狸穿土鬼嘯霜天陰
夜夜青燐滿義士一邱託山阿何人殺之鷹與犬姦雄灰滅
乃天亡鷹邪犬邪投煙荒君魂蕭穆靈旗張我來灑泣酌椒
漿地下同遊陳少陽

田按長卿孤憤篇自序為宛陵吳君仕期
為諸生侶直負氣有古烈丈夫風萬歷中進士鄒元
標疏論江陵奪情被延杖謫戍都勻過京日仕期問
而走數百里陵及之江上握手愴慨泣數行下歸而作
書萬言抵江陵微知其罪遣奴如京師為力者匿不
得達後江陵疏託名海瑞而偽撰何燕湖點諸生王律
者私草一江陵疏託名海瑞而偽撰何燕湖點諸生王律
之南都操江都御史胡欒欒楚人江陵黨也陰屬大
平府同知龍宗武廉其狀宗武希江陵旨弱治王律
知仕期有上書事遂密以聞欒及江陵且謂仕期曰
宗武虐考之乃妄承密以聞欒及江陵且謂仕期曰
殺乃已宗武以計殺承密以聞欒及江陵且謂仕期曰
爾郡中薦紳有得罪時相者染之則汝罪寬矣仕期
抗慨曰我自陳其冤狀不得奈何復轉為他沈君典
兒死則死不能枉害忠良宗武所拏盡不武乃下仕
亦江陵所恨也宗武死以沙囊壓其口殺之江陵死
噤其衣絮殆盡不疏訟仕期寬有旨逮宗武及欒期
都御史孫維城疏仕期寬有旨逮宗武及欒期
並坐永戍余謂江陵相業功在社稷獨其以睦睦治
人可為痛恨厥後詔沒其家先期錄人日錮其門子
女避空室中俄死者十餘輩天道好還諒哉

送龍君超

念子客應久況茲秋復深向來多道氣到處復雲林謝客巖
猶在豐干寺可尋河梁無限意緒緯助悲吟

冬日同韓承志管登之錢功父吳元卿過開元寺訪湛
公

禪房暮蕭瑟斜日挂霜藤渡海前朝佛彌天大智僧譚應花
雨落坐訝塔雲崩師是西來者行傳幾代燈

蘇小小墓

日落西陵冷暮潮美人南國恨蕭條江邊草綠青驄去墓上
花開紅粉銷明月可能留寶屐垂楊猶自學纖腰白門亦有
嗁鳥在多少香魂不可招

吳太史舊宅

太史風流不可論
山邱華屋祗銷魂
淒涼野老談歌舞
寂寞鄰家寄子孫
誰遣空階生綠草
曾經明月照朱門
傷心回首
十年事
流水殘霞遠舊村

寄張尙甫司馬

真人黃石佐兵機
淮蔡功成好拂衣
刁斗長離飲馬窟
絲綸初穩釣魚磯
雨香錦水攀花入
雲冷青城採藥歸
問道銅梁開別業
日斜誰與望清暉

寄答唐嗣宗

一院梧陰月正鮮
好風吹墮彩雲簾
已知都水持僧律
猶爲淵明寄酒錢
入夜蟲聲喧草露
懷人秋色到湖煙
相逢莫落

芙蓉後白芷青樽客滿船

寄蕭以占太史時校士越中書來訂西湖之約不赴

向來詞賦借山川才子胸中五色煙雲夢綵毫吞八九錢唐
强弩射三千鳥飛葭莢天如鏡客倚芙蓉秋滿船定踏西冷
橋昨月一杯何處喚逋仙

胡應麟

四首

應麟字元瑞蘭谿人萬厯丙子舉人有少室山房類

稿一百二十卷

四庫總目應麟雖仰承七子餘派而記誦淹通實在隆

萬諸家上故所作藝雜之內尙具菁華

弇州山人續稿元瑞詩才高而氣雄鴻臚明儻橫絕

無前稍假以年將與日而化矣

王奉常集元瑞詩卓詭宏麗奔詣秀出

野獲篇胡元瑞好使酒一日寓西湖適汪太雨司馬

已錄卷六

七

攜乃弟仲淹來杭王元美伯仲並東南諸名士大會
於湖中仲淹已病其詩頗有深思秀句心跡胡之粗
豪忽傲起謂元美曰公奈何遽以詩統傳元瑞此等
得登壇坫將置吾輩何地王三先生出倉猝不及
答二元瑞亦識仲淹氣盛第怒目視時威元敬少保實
偕二汪渡江同席飲出輒語兩解之胡大怒移鴈至
目為粗人威驚避促與度嶺去滿座不歡而罷
明詩選陳卧子曰元瑞如中賈張肆不皆珍異却無
物不有又如老樂工清濁輕重都傳弟子
靜志居詩話長律至百韻已為繁富矣元美哭于鱗
乃增益至一百二十元瑞哭元美則更倍之蓋感知
已之深不不禁長言之也詩藪一篇專以羽翼四部自不
山錢氏詒之太甚根少室山房筆叢沈酣四部自不
尖為讀書種子詎可因詩藪而概斥之乎
癸書元瑞之重以弁州致入白榆社白榆者江
司馬社也司馬歿諸詞客裏糧入發者踵相接其敢
異同
田按元瑞嗜書購四萬餘卷築室貯之黎惟敬大書
其楣曰二酉山房屬王元美為記元瑞著詩藪附和
卮言元美大激賞之許傳詩統謂後我而作者其在
此子矣詩品在末五子中可與屠長卿伯仲

破山寺老衲夜談作

一徑入蒼翠飛雲翳翳屯危亭標木末古剎竊松根海月時
窺牖山風日埽門憑呼野衲至信宿共芳尊

題唐山人蓮葉舟

有序

蓮葉舟輕自學操唐人句也山人輕船湖上悉屏長
年青笠綠蓑悠然獨往

芙蓉花發大隄前六尺沙棠任晏眠南楚舊聞唐勒賦西冷
重觀白公船吹簫極浦淩風去把釣前灘抱月還三十六陂
新水漲行吟何處不堪憐

石城曲

踏青無限好江頭二三月恨殺潯陽風吹郎上三峽

送徐茂才

竹窗螢火記當年心折蘭陵繫酒船今日相逢猶有恨西風
憔悴菊花前

魏允中 六首

允中字懋權南樂人萬厯庚辰進士除太常博士遷
吏部主事有仲子集八卷

兪州山人續稿仲子於詩無所不工五七言律尤其
至者大較情真而語道意高而調協不欲以江左之
浮藻掩河朔之風骨
列朝詩集懋權爲諸生王元美以兵使行部贈之詩
曰還將代興意對酒頌如沔丙子秋試元美偕同官
飲於使院戒開吏曰小錄至非魏允中第一無伐鼓
以傳也抵暮鼓發相與譙叫絕倒其賞異如此
田按懋權五律疏爽七律調高尙多浮響

周生歸黃州

涼風吹客帆落日過湖南握手空相送離心不可堪片雲縈
楚岫一葉下江潭何地偏相憶朱家酒夜酣

重陽前日

落葉夜如雨長安寒氣催明朝又重九何處臨高臺白雁成
行去黃花市徑開天涯有兄弟墮淚滿金杯

王憲舉宰太湖

湖上太湖城湖光一鏡平漁人堂下宿鷗鳥案邊行問俗時
乘棹臨流日濯纓使君清似水不獨太湖清

秋日同趙夢白顧叔時姜養沖劉厚吾靜修皎如二上人
遊蓮花池

北闕嗟猶戀東山歸未能朝回頻整駕人外一尋僧花意含

秋澹波光向晚澄怪來留竟日茲興本難乘

送康裕卿寄陽谷先生

授簡風流滿洛陽青春遊子倦還鄉桃花尚記當年宅荷葉
堪爲卒歲裳九曲暮雲連雁宕片帆秋雨落錢塘吳門驄馬
深相憶錦字遙憑寄幾行

送黎員外還京時有祕書之徵

太行春盡促征旄河朔槎迴北斗高白髮主恩仍浩蕩青雲
客計未蕭騷春風委珮朝丹闕曉日觚棱侍彩毫迴首鳳池
應萬里思君惟有夢魂勞

李維楨二首

維楨字本甯京山人隆慶戊辰進士選庶吉士授編

修進修撰出爲陝西參議進提學副使累遷布政使
擢南太僕卿改太常卿未赴召拜南禮部侍郎進尙
書贈太子少保有大泌山房集一百三十四卷

列朝詩集本甯洪裁盤詞援筆揮灑又能猷猷曲隨
以屬厥求者之意其詩文聲價騰涌而品格漸下
靜志居詩話本甯如官廚宿饌麋鹿肥麋雖豚臠具
陳蠶蕤雜進而無當於味
和按本甯詩選詞徵典不善持擇多陳因之言而披
沙採金時復遇寶

銀州

前旌時隱見石壁轉縈迴流水寒城咽孤鴻遠戍哀山盤光
祿塞雲鎮赫連臺忽爾風沙合驂驪萬馬來

題畫

隋苑螺橫山黛吳門練曳溪紋石橋慘徑紅雨草閣鈎簾白

雲

吳旦十六首

旦字而待南海人嘉靖丁酉舉人官歸州知州有蘭

皋集

陳文藻南園後五先生集而待師事黃泰泉與歐大任黎民表梁有譽結社南園世稱南園後五先生之一田按而待詩才藻俊麗惜集不傳陳文藻輯五先生詩蘭皋僅錄十餘首余從郭棻嶺海名勝記獲詩五篇亟登之以補其缺

玉峽夜泊聞歌吹聲

江潭月欲上汀州露未重趙女歌正揚越客魂先動玉柱應
離鸞瑤笙學調鳳窈窕子夜聲悽惻江南弄繁音逐水流哀
響因風送出罷夜蒼蒼踟躕人如夢

月溪

玉洞竄無門珠簾不可捲梯峯陟窮嶺剗石孫遙峴蹊參漣
木入行並修簷轉禪界稍歇堙靈泉猶清淺花凋龍女臺草
積象王輩二梵行當已三車誰能演藉草停曠蹤撫柏齡英
晒翠涵岫類滴雲抹林疑瑱感運心所懷浩歌興粗遣

鶴舒臺是安期上昇處

落賞自玄古飄飄臨紫清流霞帶方島絳雪曜層城飛仙杳
難冀高臺空復情煙開樹痕碧日湛水華明葳蕤望蜺蓋參
差聞鳳笙馳齡苟可駐竭來遵遐征

翠峯草堂

對君何處問迢遞草堂深獨坐冥塵慮微吟生隱心孤峯留

晚照平野帶秋陰
庭下栽松樹蒼蒼已滿林

海珠遊覽

地控鯨人室天回象帝宮
寶花紛映水香閣迴臨空
剎影江鴻觸鐘聲海霧籠
戒珠長不滅靈景夜昭融

遊小金山

碧水流無極蒼山望不窮
寶花飄象駕珠樹繞龍宮
二梵何年續三車此地雄心
猿坐來絆知在慧門中

曹溪觀藍水石還遇滄師邀酌

山路少蹊徑行吟隨所之
偶然閒坐處便是會心時
石墜分泉口雲過挂樹枝
野僧邀共酌不覺忘還期

劉仙巖

裏寫去何勤靈蹤在白雲穿林樵徑逗過壠石泉分古溜空
青色孤根剝玉紋嵐霏行處薄花氣坐來薰谷靜聲相答天
低語可聞怪援垂木末高鳥出人羣未究丹光蹟誰探綠字
文寄書招隱士此地絕塵氛

峽山寺

招提幽絕處千壑捧珠宮山勢懸疑墜川流曲似窮黃鍾仙
管寂碧玉妙環空忍草棲靈霧曇花落慧風竈殘泥尙溼丹
化井猶通夙昔登臨地題詩憶遠公

姑蘇道中

川途紆曲有餘清水國湖田曳槳行震澤蒹葭雲外委洞庭
包橘望中明煙波尙載扁舟影露葉虛傳響屨聲唯有舊時

春草色年年生遶闔閭城

厓門弔古 二首

羌管胡琴一曲歌南人漸少北人多空聞杞女齊城哭不見
昭王漢水過寶冊有靈浮海島珠襦無主寄煙蘿千年留得
孤忠在成敗休論奈爾何

誤國由來一字閒上方無劍討神姦虞淵日入誰能取滄海
龍遊遂不還夜後獨禽猶迸血秋來湘竹總成斑丹青俎豆
休明事一簇崇祠幾仞山

九成臺

碧玉闌干壓故基虞皇曾此駐旌旗風簾尚帶絃琴曲谷鳥
猶呈羽鳳儀二女不來雲黯黯重華何處草離離郡城北望

山如戟落日微茫似九疑

宿南華寺

滿天涼露淨微颺向夜疎簾手自披明月故人千里共白雲
禪室九秋期齋鐘乍動曉猿續塔火初燃落雁知一與遠公
談諦義欲投蓮舍戀眞師

貴幸篇

常陪車駕幸甘泉少小偏承漢主憐日暮羽林傳警蹕花驄
嘶過禁輿前

文衡山山水畫

路入雲林一徑斜紅塵飛斷卽煙霞江南小隱無多地楊柳
陰中只數家

李時行四首

時行字少偕番禺人嘉靖辛丑進士除嘉興知縣徵授南兵部主事有青霞前後集

田拔南園後五子青霞差弱

嚴居僧

一鉢寄岩石塵喧迴不聞小廚分澗水短榻卧松雲
衣借枯藤補香收野蒔焚晚來趺坐處猿鶴自爲羣

不出

不出幾經旬幽栖廢櫛巾鳥嘯方覺曙花發始知春
懶性豈宜俗淨名空累身祇便來客少麋鹿自相親

夏日同姚子玉費子文遊雲居寺

蒼煙白石滿空山野寺深藏亂竹閒遊客漫隨清磬入老僧
長對落花閒潭邊宿雨從龍去樹底殘雲伴鶴還盡日臨流
恣幽賞披襟坐遍石苔斑

寄劉珠江陳中閭黎瑤石

莫向塵氛歎路歧百年心事故人知感時潘岳愁雙鬢出塞
梁鴻賦五噫洲渚月明朝落早兼葭霜冷雁來遲悲笳近報
邊聲急鄉國東歸未可期